

Cymraeg

Adroddiad Blynyddol ar ein
cydymffurfiaeth â **Safonau'r Gymraeg**

.....
2023–24

Adroddiad Blynyddol ar ein cydymffurfiaeth â Safonau'r Gymraeg 2023-24

Mae'r Adroddiad Blynyddol hwn yn nodi sut yr ydym wedi cydymffurfio â'r safonau a gynhwysir yn yr hysbysiad cydymffurfio a gyhoeddwyd gan Gomisiynydd y Gymraeg. Yn unol â gofynion safon 66, mae'r adroddiad yn cwmpasu'r cyfnod rhwng 6 Rhagfyr 2023 a 31 Mawrth 2024.

Gwybodaeth amdanom ni

Ni yw'r sefydliad annibynnol sy'n rheoleiddio meddygon yn y DU. Rydym yn gweithio gyda meddygon, eu cyflogwyr, eu haddysgwyr ac eraill i wneud y canlynol:

- gosod safonau gofal cleifion ac ymddygiad proffesiynol y mae angen i feddygon eu cyrraedd.
- sicrhau bod meddygon yn cael yr addysg a'r hyfforddiant sydd eu hangen arnynt i ddarparu gofal da a diogel i gleifion.
- cadarnhau pwy sy'n gymwys i weithio fel meddyg yn y DU, a gwneud yn siŵr eu bod yn parhau i gyrraedd y safonau proffesiynol a osodir gennym drwy gydol eu gyrfaedd.
- rhoi arweiniad a chynghor i helpu meddygon i ddeall yr hyn a ddisgwylir ganddynt.
- ymchwilio i bryderon os yw'n bosibl bod diogelwch cleifion mewn perygl, neu os yw hyder y cyhoedd mewn meddygon yn is na'r disgwyl, a chymryd camau gweithredu os oes angen.

Sefydlwyd ein swyddfa yng Nghaerdydd yn 2006 fel rhan o'n hymrwymiad parhaus i ymgysylltu â meddygon a'r system iechyd yng Nghymru a'u cefnogi. Mae ein tîm yng Nghymru yn ymgysylltu â meddygon, cleifion, cyflogwyr, myfyrwyr meddygol, addysgwyr a rhanddeiliaid ledled y wlad.

Mae ein gwaith fel rheoleiddiwr yng Nghymru yn cael ei oruchwylio gan ein Cyngor. Mae'r Cyngor yn chwarae rhan hollbwysig yn y gwaith o osod ein nodau strategol, ac o gynnal ein ffocws ar gefnogi'r gweithlu meddygol i ddarparu gofal da i gleifion. Mae rhagor o wybodaeth am ein gwaith yng Nghymru ar gael yn ein [hadroddiad cenedlaethol ar gyfer Cymru](#) ddiweddaraf.

Cyflwyniad

Ers 6 Rhagfyr 2023 mae ein gwaith wedi bod yn ddarostyngedig i Reoliadau Safonau'r Gymraeg (Rhif 8) 2022 ar gyfer rheoleiddwyr gofal iechyd. Ar y diwrnod hwn, fe wnaethom gyhoeddi ein canllaw cydymffurfio allanol a lansio ein canllaw cydymffurfio mewnol ar gyfer cydweithwyr. Bu

cydweithwyr o bob rhan o'r sefydliad yn gweithio drwy gydol 2023 i ddatblygu canllawiau, prosesau ac adnoddau i hwyluso cydymffurfiaeth.

Mae'r adroddiad hwn yn ymdrin â'r tri mis cyntaf o gydymffurfio lle'r oeddem yn canolbwyntio ar weithredu canllawiau mewnol, cefnogi timau, a chodi ymwybyddiaeth fewnol o'r Gymraeg a'n rhwymedigaethau o dan y safonau. Cefnogwyd y gwaith hwn yn fewnol gan fwrdd prosiect traws-sefydliad, Noddwr Iaith Gymraeg ein Uwch Tîm Rheoli, a Rheolwr Safonau'r Gymraeg sy'n gweithio yn nhîm Cymru'r Cyngor Meddygol Cyffredinol. Cefnogwyd y gwaith hwn hefyd gan ein rhyngweithio â swyddfa Comisiynydd y Gymraeg a fforwm sy'n dod â rheoleiddwyr eraill at ei gilydd yn ddarostyngedig i Reoliadau rhif 8 sy'n benodol i rannu syniadau, heriau ac arferion da, yr ydym yn eu cynnull a'u cadeirio.

Rydym wedi ymrwmo o hyd i wella ein darpariaeth Gymraeg yn unol â'r hysbysiad cydymffurfio a roddwyd gan Gomisiynydd y Gymraeg. Mae'r hysbysiad cydymffurfio yn cynnwys yr holl safonau sy'n berthnasol i'n gwaith ac mae ar gael ar [ein gwefan](#). Mae cydymffurfiaeth yn ein helpu i wella lefel y gwasanaethau Cymraeg y gall pobl yng Nghymru ddisgwyl eu derbyn gennym. Mae'r safonau hefyd yn rhoi cyfle i ni ddangos ein hymrwymiad i weithio'n ymatebol ac yn sensitif fel rheoleiddiwr pedair gwlad, gan gryfhau ein cysylltiadau ledled Cymru ar yr un pryd.

Rydym yn croesawu agwedd fwy rhagweithiol y Comisiynydd tuag at 'gyd-reoleiddio' gan ganolbwyntio ar weithio gyda sefydliadau i helpu i wella ansawdd gwasanaethau Cymraeg i siaradwyr Cymraeg eu defnyddio. Edrychwn ymlaen at weithio'n agosach gyda'r Comisiynydd wrth i ni barhau i weithredu a gwreiddio ein dull o gydymffurfio â'r safonau.

Ein dull gweithredu

Mae ein dull o weithredu'r safonau yn seiliedig ar ddwy egwyddor allweddol:

- Rydym yn ymdrechu i neilltuo swm rhesymol a chymesur o adnoddau gweithredol a gwybodaeth i ddiwallu anghenion siaradwyr Cymraeg, gan gefnogi ein staff i gyflawni'r dasg hon.
- Wrth ystyried sut mae bodloni'r safonau, rydym hefyd yn cydbwysu ein cyfrifoldeb i gydymffurfio â'n cyfrifoldebau deddfwriaethol eraill fel y'u diffinnir yn y *Ddeddf Feddygol* a *Dyletswydd Cydraddoldeb y Sector Cyhoeddus*.

Nid yw pob agwedd ar ein gwaith o fewn cwmpas y safonau. Fodd bynnag, pan fydd gwasanaeth o fewn y cwmpas, rydym wedi ymrwmo i gymhwyso egwyddor o gydraddoldeb drwy beidio â thrin y Gymraeg yn llai ffafriol na'r Saesneg. Mae cynnal ymwybyddiaeth ac ymgysylltiad mewnol â'r safonau yn allweddol i wreiddio ein dull gweithredu. Roedd tîm y prosiect a Rheolwr Safonau'r Gymraeg wrth law i ateb ymholiadau a chynnig cyngor ar ôl lansio'r canllaw cydymffurfio

mewnol. Roeddent yn hwyluso sesiynau briffio ar gyfer timau allweddol ac yn eu cyflwyno mewn cyfarfodydd tîm a diwrnodau cwrdd i ffwrdd.

Ym mis Chwefror 2024, fe wnaethom gomisiynu adolygiad annibynnol o'r prosesau a sefydlwyd i reoli cydymffurfiaid parhaus â'r safonau. Nododd yr adolygiad nifer o sylwadau cadarnhaol gan gynnwys:

- Gwnaed cryn ymdrech a gweithgarwch gan dîm y prosiect a'r ffrydiau gwaith perthnasol i sicrhau bod y Cyngor Meddygol Cyffredinol yn gallu dangos ei fod yn cydymffurfio â'r Safonau erbyn y dyddiad gweithredu, sef 6 Rhagfyr 2023.
- Cynhyrchwyd llawer iawn o ganllawiau ac yn nodweddiadol roeddent yn cynnwys gwybodaeth gefndir, y safonau perthnasol ar gyfer pob darn o ganllawiau, prosesau i'w dilyn a manylion y rhai y dylid cysylltu â nhw i gael rhagor o wybodaeth.
- Roedd cydweithwyr yn cydnabod pwysigrwydd y gwaith hwn i ddangos tegwch yn unol â mentrau cydraddoldeb, amrywiaeth a chynhwysiant a rôl y Cyngor Meddygol Cyffredinol fel rheoleiddiwr pedair gwlad.

Isod ceir trosolwg o sut y bu i ni gydymffurfio â'r safonau ar draws gwahanol feysydd gwaith yn ystod y cyfnod adrodd.

Cyfathrebu ac ymgysylltu

Rydym wedi ymrwmo i hwyluso cyfleoedd i ddefnyddio'r Gymraeg a galluogi pobl i ryngweithio â ni yn eu dewis iaith. Rydym yn dangos yr ymrwymiad hwn drwy:

- Ymateb i ohebiaeth Gymraeg yn ddi-oed, gyda chanllawiau manwl ar gael i gydweithwyr nad ydynt yn siarad Cymraeg.
- Cynnig *Newyddion y Cyngor Meddygol Cyffredinol i fyfyrwyr, Cysylltu a newid, a chylchlythyrau cymuned diddordeb Proffesiynau Cymdeithion yn y Maes Meddygol* yn ddwyieithog. Anfonwyd cyfanswm o wyth rhifyn o'r cylchlythyr yn ystod y cyfnod adrodd, gyda 22 o unigolion yn dewis derbyn y rhain yn Gymraeg neu'n ddwyieithog.
- Mabwysiadu dull cyffredinol o ymdrin â gohebiaeth e-bost drwy ychwanegu'r geiriau '*Mae croeso i chi gysylltu â ni yn Gymraeg. Byddwn yn ymateb yn Gymraeg, heb i hyn beri oedi ychwanegol*' yn ddwyieithog ar waelod pob e-bost a anfonir i dderbynwyr allanol.
- Rhoi'r cynnig rhagweithiol i ddefnyddio'r Gymraeg yn ein cyfarfod bwrdd crwn i gleifion ledled y DU, ein cyfarfod Fforwm Cynghori Cymru y DU chwemisol, mewn dau gyfarfod fel rhan o'n prosesau sicrhau ansawdd addysg rhagweithiol, ac ar gyfer cyfarfodydd â chleifion fel rhan o'n prosesau addasrwydd i ymarfer. Gwnaeth y Gwasanaeth Tribiwnlys Ymarferwyr Meddygol (MPTS) bum cynnig rhagweithiol i gofrestryddion yng Nghymru i ddefnyddio'r

Gymraeg mewn gohebiaeth ac yn ystod achosion cyfreithiol. Ni fanteisiwyd ar y cynigion, ond byddwn yn parhau i'w hyrwyddo a gwneud y cynnig rhagweithiol.

- Rhoi templedi ar waith i sicrhau bod pob cyhoeddiad yn cynnwys y cynnig rhagweithiol i ohebu â ni yn Gymraeg, ac y byddwn yn ymateb yn Gymraeg heb achosi oedi ychwanegol.
- Datblygu adnodd toglo ar ein gwefan i wella profiad defnyddwyr wrth gael mynediad at dudalennau gwe dwyieithog.

Cefnogi meddygon

Mae'r rhan fwyaf o'r safonau y mae ein gwaith yn ddarostyngedig iddynt wedi'u hanelu at aelodau'r cyhoedd. Fodd bynnag, mae rhai safonau'n berthnasol yn uniongyrchol i feddygon. Yn ystod y cyfnod adrodd:

- Daeth y fersiwn ddiweddaraf o *Arfer Meddygol Da* i rym ar 30 Ionawr 2024. Dyma ein canllawiau craidd sy'n nodi'r egwyddorion, y gwerthoedd a'r safonau gofal a'r ymddygiad proffesiynol a ddisgwylir gan bob meddyg sydd wedi cofrestru gyda ni. Roedd hyn eisoes ar gael yn ddwyieithog cyn i ni fod yn ddarostyngedig i Safonau'r Gymraeg. Gwyddom fod meddygon yng Nghymru yn gweithio mewn cyd-destun dwyieithog. Mae'r GMP wedi'i ddiweddarau, a phob darn o ganllawiau manylach, ar gael yn ddwyieithog ar ein gwefan.
- Gwneud y cynnig rhagweithiol i feddygon ddefnyddio'r Gymraeg mewn cyfarfodydd ac mewn galwadau ffôn wedi'u trefnu sy'n ymwneud â'n prosesau addasrwydd i ymarfer.

Codi ymwybyddiaeth

Rydym wedi ymrwmo i ymgorffori diwylliant sy'n gynhwysol ac yn groesawgar i'r Gymraeg. Rydym yn gwybod bod codi a chynnal ymwybyddiaeth ar draws y sefydliad yn helpu ein gwaith i gydymffurfio â'r safonau. Yn ystod y cyfnod adrodd gwnaethom:

- Lansio modiwl dysgu digidol ar ymwybyddiaeth o'r Gymraeg, gan ganolbwyntio ar ei hanes a'i rôl yn niwylliant Cymru, a'r hyn y mae Safonau'r Gymraeg yn ei olygu i'r Cyngor Meddygol Cyffredinol. Mae'n ofynnol i'r holl staff newydd a phresennol gwblhau'r modiwl hwn.
- Gofyn i gydweithwyr ddatgan sgiliau iaith Gymraeg presennol, hunanasesu'r sgiliau hyn os oedd ganddynt rai, a hyrwyddo cyfleoedd i ddysgu Cymraeg. Ddiwedd mis Mawrth 2024, datganodd 43 o gydweithwyr sgiliau Cymraeg gyda'r rhan fwyaf yn datgan ymwybyddiaeth neu hyfedredd lefel mynediad mewn sgiliau gwranddo, darllen, siarad ac ysgrifennu. Roedd 4 cydweithiwr wedi datgan lefelau hyfedr gyda 2 wedi'u lleoli yn swyddfa Caerdydd.

- Lansio templedi a chanllawiau Asesiad o'r Effaith ar Gydraddoldeb wedi'u diweddarau gan gynnwys ystyriaethau yn ymwneud â'r Gymraeg i gefnogi cydymffurfiaeth â'r safonau llunio polisi.
- Cyflwyno sesiynau briffio rhyngweithiol wedi'u teilwra ar gyfer timau allweddol, gan nodi cefndir y safonau a chanolbwyntio ar yr hyn y maent yn ei olygu i gydweithwyr yn ymarferol.
- Cyhoeddi erthyglau ar ein mewnrwyd staff sy'n dangos gwaith gydweithwyr ar draws y sefydliad o ran datblygu canllawiau, offer a phrosesau i hwyluso cydymffurfiaeth.
- Hysbysebu wyth swydd wag mewn dwy ymgyrch recriwtio, pob un yn nodi bod sgiliau Cymraeg yn ddymunol. Roedd cyfanswm o 123 o swyddi gwag yn ystod y cyfnod hwn: 115 heb ofynion o ran y Gymraeg.

Cydweithio

Mae gweledigaeth y Comisiynydd ar gyfer cyd-reoleiddio yn cyd-fynd â'n hymrwymiad i gydweithio, sy'n un o'r pum gwerth sefydliadol craidd sy'n sail i bopeth a wnawn. Rydym yn croesawu'r symudiad tuag at weithio gyda sefydliadau i rannu gwybodaeth ac arferion da. Yn ystod y cyfnod adrodd gwnaethom:

- Cynnull a chadeirio tri chyfarfod Fforwm Cyd-reoleiddwyr Safonau'r Gymraeg. Roeddem wedi cyd-gadeirio'r Fforwm gyda'r Cyngor Nyrsio a Bydwreigiaeth drwy gydol 2023 ac mae wedi ymrwmo i rannu syniadau, heriau ac arferion da o ran cydymffurfio â'r safonau.
- Adeiladu ar ein perthynas gadarnhaol gyda chydweithwyr yn swyddfa Comisiynydd y Gymraeg, gan ymateb i'r arolwg barn rhanddeiliaid a mynychu Sioe Deithiol Materion Iaith.
- Ymgysylltu â'r Ganolfan Dysgu Cymraeg Genedlaethol i ddeall pa gyfleoedd sydd ar gael i gydweithwyr ddatblygu sgiliau Cymraeg.

Cwynion

Ni dderbyniwyd unrhyw gwynion yn ystod y cyfnod adrodd oedd yn ymwneud â'n cydymffurfiaeth â'r safonau. Gall aelodau'r cyhoedd gyflwyno cwyn, anfon canmoliaeth neu sylw am ein gwaith, gan gynnwys ar ein darpariaeth Gymraeg, drwy ein tudalen [Cwynion ac adborth](#) ar y we. Mae hyn yn cynnwys canllawiau dwyieithog ar ein proses cwynion ac adborth, ac mae'r ffurflen sylwadau, canmoliaeth a chwynion ar gael yn ddwyieithog ac mewn fersiynau hawdd eu darllen.

E-bost: gmc@gmc-uk.org

Gwefan: gmc-uk.org

Ffôn: **0161 923 6602**

General Medical Council, 3 Hardman Street, Manchester M3 3AW

Ffôn testun: **deialwch y rhagddodiad 18001** yna
0161 923 6602 i ddefnyddio'r Gwasanaeth Cyfleu Testun.

Ymunwch â'r sgwrs

 [@gmcuk](https://twitter.com/gmcuk)

 facebook.com/gmcuk

 linkd.in/gmcuk

 youtube.com/gmcuktv

To ask for this publication in another format or language, please call us on **0161 923 6602** or email us at gmc@gmc-uk.org.

I ofyn am y cyhoeddiad hwn mewn fformat neu iaith arall, ffoniwch ni ar **0161 923 6602** neu e-bostiwch ni ar gmc@gmc-uk.org.

You are welcome to contact us in Welsh. We will respond in Welsh, without this causing additional delay.

Mae croeso i chi gysylltu â ni yn Gymraeg. Byddwn yn ymateb yn Gymraeg, heb i hyn achosi oedi ychwanegol.

Cyhoeddwyd Medi 2024

© 2024 General Medical Council

Gellir atgynhyrchu testun y ddogfen hon yn rhad ac am ddim mewn unrhyw fformat neu gyfrwng ar yr amod ei fod yn cael ei atgynhyrchu'n gywir ac nid mewn cyd-destun camarweiniol. Rhaid cydnabod y deunydd fel hawlfraint y Cyngor Meddygol Cyffredinol a rhaid nodi teitl y ddogfen.

Mae'r Cyngor Meddygol Cyffredinol yn elusen sydd wedi'i chofrestru yng Nghymru a Lloegr (1089278) a'r Alban (SC037750).

Cod: GMC/WLS2024_W/0924